



安南志畧



安南志畧目錄

古愛東山黎崱編

地理圖

總敘

卷一

郡邑

山

水

古跡

唐安南都護元隸州郡

卷二

大元詔制

前朝書命

卷三

大元奉使

卷四

征討運餉

卷五

大元明臣往復書問

卷六

表章

前代書表

卷七

漢交州九真日南刺史太守附 三國時刺史

卷八

六朝交州刺史都督交趾真日南太守

卷九

唐安南都督護經畧使交愛驩三郡刺史

卷十

歷朝羈臣

趙氏世家

五代時僭竊

卷十一

丁氏世家

黎氏世家

卷十二

李氏世家

卷十三

陳氏世家

卷十四

學校

官制

章服

刑政

兵制

歷代遣使

卷十五

人物

物產

林邑附

卷十六

雜記

歷朝名賢雜詠

卷十七

至元以來名賢奉使安南詩玉堂諸公贈送
天使詩序

卷十八

安南名人詩

卷十九

圖志歌

敘事

卷二十

名公題詠安南志

安南志畧卷四

古愛東山黎崱編

征討運餉

睿宗皇帝癸丑歲世祖皇帝即平雲南晉大帥元良合解經畧丁巳冬命大帥統師自雲南途經安南邊邑欲出邕桂會大兵於鄆以征宋十二月師錫弩原國主陳王遣士卒乘象迎敵時大帥子阿朮年十八率善射者射其象象驚奔反蹂其眾大潰翌日陳王斷扶齒橋對岸而陣師欲濟未測淺深乃沿江仰空射之驗箭墮水而不浮者知為淺處即以騎兵濟馬躍登岸翼而擊安南兵潰大軍

繼殺萬人斬其宗子富良侯陳王乃降于是班師
明年春陳王上表納款臣附遣使貢方物

中統三年制封陳為安南國王至元間累徵入見
以疾不朝丁丑年薨

世子陳立上遣使召復辭以疾至元壬午右丞唆
都左丞劉深參政阿里用兵占城朝廷遣使諭安
南假道助軍給糧世子不聽至元甲申冬復命鎮
南王脫懽平章阿里海牙等進兵助占城沿十二
月二十一日甲子師次安南界分道萬戶李羅合
答而招討阿深西由丘溫縣進怯薛撒畧而萬戶
李邦憲東由急嶺進王大兵繼之東兵破可利隘

嬰兒關獲間諜人杜偉等斬之其宗長興道陳峻
守內傍關二十七日庚午大軍擊破退守諒江州
又敗走獲船數十艘西兵破支凌隘即老鼠關至
元乙酉正月九日壬午世子自將十萬眾大戰于
排灘元帥烏馬兒招討納海鎮撫孫林德以所獲
船破之十三日丙戌世子守瀘江又潰走鎮南王
渡江宴其宮庭獻俘受馘二十一日壬辰破天漢
隘斬其將保義侯其重世子退守海市隘築堦木
截江西戰官兵上下交射眾大潰時大王咬奇右
丞唆都左丞唐古戴叅政黑的奉旨由占城進兵
入布政府攻其後世子遣弟昭文王陳通侯鄭廷

璜拒於人安敗走世子勢急遣兄子彰憲侯陳鍵
迎戰於清化持久力弱無援彰憲遂與崩等以其
兵降二月二日己巳咬奇率騎兵涉衛布涇口破
彼眾殺其將丁奢阮漆桶三日丁巳鎮南王破世
子兵于大黃江其宗子文義侯陳秀峻以全家降
六日己酉咬奇率彰憲等破國弟大師陳啟兵于
富津渡斬首千級清化人安悉降世子懼遣宗人
忠憲侯陳陽請和繼遣兵近侍官陶堅奉國妹南
王乞解艾千戶往諭既欲請和曷不躬自來議世
子不聽三月九日壬午咬奇唐古戴舟師入海圍
世子于三時幾獲之勦率阮強等與世子免獲

其金帛子女十五日戊子國弟昭國王陳益稷率
其屬來附唆都復入清化招來附者夏四月安南
乘攻復羅城五月五日丁丑唆奇與萬戶薨弩伏
兵其宮擊散瀘江會鎮南王翌日班師安南兵追
至南柵江右丞李恒殿擊退之斬興道王義勇陳
紹時唆都聞大兵既還始自清化回軍沿途日夜
與彼戰擒其將陳佗之阮盛等至拜卿唆都部將
禮脚張叛率彼眾與我戰唆都躍馬墮水死軍遂
陷惟烏馬兒萬戶劉珪以輕舟脫獨小李戰撫單
舸于後戰不勝自刎世子義令人救活而厚遇之
是冬內附陳益稷等驛至

京師拜覲至元丙戌春三月制封陳稷益為安南國王陳秀峻為輔義公同附官吏授爵有差至元丁亥朝廷復興師討送安南國王就國上命平章奧魯赤等將江淮江西湖廣雲南四省蒙古漢軍廣西峒兵海南黎兵海道運糧萬戶張文虎等十萬師受鎮南王節制冬九月師兵自鄂十月二十八日已酉至來賓分道叅政烏馬兒樊楫率萬八千人烏未及張玉劉珪等統兵數萬戰船五百運船七十艘自欽州進十一月十一日戊戌舟師先進經萬寧水口彼將仁德侯陳柳伏兵浪山將斷我後覺之即夜圍山達明擊走溺死者眾數百人

獲船數十艘烏馬兒來乘勝前驅不顧糧舡居後
失援糧陷二十三日庚戌陸師至祿州分道右丞
程鵬叅政索羅荅兒由支凌隘王大軍由可利隘
右丞阿八赤先鋒並進右丞愛魯赤自雲南進兵
三大江與弟陳通戰擒其將何映黎石十二月三
日巳未陸師繞至四十原王以糧陷令烏馬兒督
其兵掠安南糧餉之右丞程鵬左丞阿里劉江築
木城于晉賴至靈山儲糧倉兵二十三日巳卯王
又分兵進擊樊叅政舟師隨王抵北江彼塞江口
伏兵葉林擊走之舟師出瀘江世子兵潰時省都
事侯師達萬戶侯名未詳焦千戶侯等以各翼餘

兵僅五千偕前自思茅續進二十八日甲申入內
傍關與彼兵竟日夜戰力屈宵潰候都事死窮詰
舊路引萬戶千戶與安南國王男陳昱僉事阮領
府判黎晏等率餘騎死戰出關免二十九日乙酉
王西渡瀘江阿八赤沿東岸破賊子監世子退守
海市監大兵擊破之至元戊子正月四日己丑王
還舊屯烏馬兒由海道出迎張文虎續進糧艦十
一日丙子與彼戰於多魯湖落而散張文虎先遇
敵於邦口糧陷乘單舸走還欽州二日世子遣
從兄興寧王陳嵩屢來約降故老師夜乃遣真敢
死者叔諸營王怒命萬戶解震樊城左右諫止神

弩總管賈若愚獻言曰師可還不可守王亦曰地
熱水濕糧匱兵疲逐班師水道將校告曰糧艦兩
入俱陷不若毀舟從陸為上計王欲聽左右阻之
三月三日丁亥右丞程鵬僉省達木率騎兵逆舟
師過東湖市阻水乃還故橋梁皆為彼斷以俟我
戰程右丞即詢所獲鄉老夜引從他道馳及大軍
出內傍關彼又伏兵攻斷我萬戶答剌赤劉世
英擊走擒其將范籌沅騎斬之七日辛卯舟師至
竹洞彼兵返戰劉珪擊退獲二十艘烏馬兒不由
海還却由白藤江遇敵烏馬兒自領糧兵逆戰樊
叅政獲峯為應潮退軍陷王聞彼兵掘陷馬罕守